

毛泽东诗词四体硬笔书法

毛泽东

一九六二年九月  
哲

在怀。

学苑出版社



孙文博、朱文林、梁京刚、张石莽书

# 毛泽东诗词四体硬笔书法

学苑出版社

一九九三年七月

(京)新登字 151 号

**毛泽东诗词四体硬笔书法**

作者：孙文博 朱文林

梁京刚 张石莽

---

**学苑出版社出版**

(北京市西城区成方街33号)

**新华书店首都发行所发行**

**北京长凌营印刷厂印刷**

850×1168 1/32印张：5.479

印数：0001—5000册

1993年7月第1版 1993年7月第一次印刷

---

ISBN7—5077—0625—7/G·276 定价：5.50元

沁园春·长沙

独立寒秋，

湘江北去，

橘子洲头。

看万山红遍，

层林尽染，

漫江碧透，

百舸争流。

鹰击长空，

鱼翔浅底，

万类霜天竞自由。

怅寥廓，

问苍茫大地，

谁主沉浮？

携来百侣曾游。

忆往昔峥嵘岁月稠。

恰同学少年，

风华正茂；

书生意气，

挥斥方遒。

指点江山，

激扬文字，

粪土当年万户侯。

曾记否，

到中流击水，

浪遏飞舟。

菩萨蛮·黄鹤楼

茫茫九派流中国，

沉沉一线穿南北。

烟雨莽苍苍，

龟蛇锁大江。

黄鹤知何去？

剩有游人处。

把酒酹滔滔，

心潮逐浪高！

西江月·井冈山

山下旌旗在望，

山头鼓角相闻。

敌军围困万千重，

我自岿然不动。

早已森严壁垒，

更加众志成城。

黄洋界上炮声隆，

报道敌军宵遁。

清平乐·蒋桂战争

风云突变，

军閘重开战。

洒向人间都是怨。

一枕黄梁再现。

红旗跃过汀江，

直下龙岩上杭。

收拾金瓯一片，

分田分地真忙。

采桑子·重阳

人生易老天难老，

岁岁重阳。

今又重阳，



战地黄花分外香。

一季一度秋风劲，

不似春光。

胜似春光，

寥廓江天万里霜。

如梦令·元旦

宁化、清流、归化，

险隘林深苔滑。

今日向何方，

直指武夷山下。

山下山下。

风展红旗如画。

减字木兰花·广昌路上

漫天皆白，

雪里行军情更迫。

头上高山，

风捲红旗过大关。

此行何去？

赣江风雪迷漫处。

命令昨颁，

十万工农下吉安

蝶恋花·从汀州向长沙

六月天兵征腐恶，

万丈长缨要把鲲鹏缚。

赣水那边红一角，

偏师借重黄公略。

百万工农齐踊跃，

席卷江西直捣湘和鄂。

国际悲歌歌一曲，

狂飙为我从天落。

渔家傲

反第一次大“围剿”

万木霜天红烂漫，  
天兵怒气冲霄汉。  
雾满龙冈千嶂暗，  
齐声唤，  
前头捉了张辉赞。

二十万军重入赣，  
风烟滚滚来天半。  
唤起工农千百万，  
同心干，  
不周山下红旗乱。

渔家傲

反第二次大“围剿”

白云山头云欲立，

白云山下呼声急，

枯木朽株齐努力。

枪林逼，

飞将军自重霄入。

七百里驱十五日，

赣水苍茫闽山碧，

横扫千军如卷席。

有人泣

为营步步嗟何及！

菩萨蛮·大柏地

赤橙黄绿青蓝紫，

谁持彩练当空舞？

雨后复斜阳，

关山阵阵苍

当年鏖战急，

弹洞前村壁。

装点此关山，

今朝更好看。

清平乐·会昌

东方欲晓，

莫道君行早。

踏遍青山人未老，

风景这边独好。

会昌城外高峰，

颠连直接东溟。

战士指为南粤，

更加郁郁葱葱。

忆秦娥·娄山关

西风烈，

长空雁叫霜晨月。

霜晨月，

马蹄声碎，

喇叭声咽。

雄关漫道真如铁，

而今迈步从头越。

从头越，

苍山如海，

残阳如血。

### 十六字令三首

山，

快马加鞭未下鞍。

惊回首，



离天三尺三。

其二

山。

倒海翻江捲巨澜。

奔腾急。

万马战犹酣。

其三

山。

刺破天罅未残。

天欲堕。

赖以拄其间。